



This project is funded by the European Union



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ  
ԳՅՈՒՂԱՏՆՏԵՍՈՒԹՅԱՆ ՎԱՐԿԱՎՈՐՄԱՆ ՈԼՈՐՏԻ ԲԱՐԵԼԱՎՄԱՆ ՈՒՂՂՈՒԹՅԱՄԲ  
ՀՀ ԳՅՈՒՂԱՏՆՏԵՍԱԿ ԴԱՇԻՆՔԻ ԿՈՂՄԻՑ ԱՌԱՋԱՐԿՎՈՂ  
ՀԱՅԵՑԱԿԱՐԳԱՅԻՆ ԱՌԱՋԱՐԿՈՒԹՅՈՒՆՆԵՐ**

**ՔԱՂԱՔԱԿԱՆՈՒԹՅԱՆ ՀԱՄԱՌՈՏԱԳԻՐ**

**Առկա Խնդիրներ**

*Ուսումնասիրությունները ցույց են տալիս, որ գյուղատնտեսության վարկավորման մեջ կարելի է տարանջատել հետևյալ հիմնական խնդիրները:*

1. Վարկատու կազմակերպությունների համար Գյուղատնտեսական վարկավորման բարձր ռիսկայնությունը, ուստի և ցածր գրավչությունը:
2. Հողի, որպես գյուղատնտեսական հիմնական ակտիվի և գյուղացու վարկային պարտավորությունների ապահովման միջոցի, չզարգացած շուկան:
3. Ֆերմերների գերվարկավորվածությունը այլ վարկերով
4. Ֆինանսական գրազիտության ցածր մակարդակը
5. Սուբսիդավորվող վարկերի խոշորացումը
6. Գյուղատնտեսությանը ուղված և գյուղատնտեսության հարակից ճյուղերում տրամադրված վարկավորման մեջ արտարժույթով տրամադրված վարկերի մեծ մասնաբաժինը
7. Կոոպերատիվների, որպես իրավաբանական անձանց վարկ ստանալու խոչնդոտները, մասնավորապես կոոպերատիվների բոլոր անդամների հաշվառումը որպես փոխկապակցված անձանց, և նրանցից որևէ մեկի բացասական վարկային պատմության առկայության դեպքում վարկավորման մերժում:

# Ագրարային ոլորտի վարկավորման բարելավմանը ուղղված

## ԱՌԱՋԱՐԿՈՒԹՅՈՒՆՆԵՐ

1. Գյուղատնտեսական վարկավորման բարելավմանը հասնելու համար գյուղատնտեսության պետական աջակցության, մասնավորապես գյուղատնտեսության վարկավորման սուբսիդավորման ծրագրերում հաշվի առնել հանրապետության տարբեր մարզերի գյուղատնտեսության առանձնահատկությունները և մասնավորապես բնակլիմայական գործոնների և կլիմայի փոփոխության երկարատև ազդեցությունը:

2. Հաշվի առնել ագրարային ոլորտում ներգրավված դերակատարների, մասնավորապես կոոպերատիվների՝ որպես գյուղատնտեսության խոշորացմանը միտված նախընտրելի մոդելի, բնորոշ առանձնահատկությունները, և վարկավորման և մասնավորապես վարկերի ապահովման նոր գործիքների կիրառման հնարավորությունը, և վարկավորման հետ կապված ռիսկերի ապահովման հնարավոր նոր եղանակներ և գույքի գործիքներ:

*Առկա գյուղատնտեսական վարկերի հասանելիությունը և միջոցների օգտագործման էֆֆեկտիվությունը բարձրացնելու առավել արդյունավետ միջոց է բանկային համակարգում գյուղատնտեսական վարկավորման տեսակակար կշռի քննիչանությունը, ինչին կնպաստի հետևյալ միջոցառումների իրականացումը.*

1) վարկատու կազմակերպությունների գյուղատնտեսական վարկավորման գրավչությունը բարձրացնելու նպատակով տրամադրել պետական երաշխիքներ, ապահովագրական այլ մեխանիզմներ, վարկերի չվերադարձնելու մեղմելու նպատակով, պարտադրելով ներդնել **միջոցների օգտագործման նպատակայնությունը խիստ վերահսկողություն:** Պարտադրել վարկատու կազմակերպություններին գյուղատնտեսությունը վարկավորել ֆինանսական իրատեսական և պահպանողական կանխատեսումների, առկա պայմանագրերի, և ոչ միայն գրավի կամ երաշխիքների առկայության հիման վրա.

2) վարկատու կազմակերպությունների համար գյուղատնտեսական վարկավորման գրավչության բարձրացման նպատակով տվյալ կառույցներին տրամադրել ՀՀ դրամով էժան և երկարատև ֆինանսական միջոցներ՝ միննույն ժամանակ ապահովելով այդ միջոցների օգտագործման նպատակայնության խիստ մոնիթորինգը և վերլուծությունը.

3) ապահովել բոլոր հետաքրքրված վարկատու կազմակերպությունների անխոչընդոտ մասնակցությունը գյուղատնտեսությանն ուղղված վարկավորմանն առնչվող Պետական և Միջազգային ծրագրերին.

4) շարունակել գյուղատնտեսության ոլորտի վարկերի տոկոսադրույքների սուբսիդավորման ծրագրերը՝ մասնավորապես ավելի բարձրացնելով սահմանամերձ համայնքներին, կին և երիտասարդ ֆերմերներին, իրենց կողմից ձևավորված գյուղատնտեսական կոոպերատիվներին, տրամադրվող վարկերի սուբսիդավորման մակարդակը.

5) խրախուսել վարկատու կազմակերպությունների կողմից գյուղական շրջաններում այլ վարկատեսակների (բիզնես, հիպոթեքային) տրամադրումը, խթանելով համայնքներում տնտեսական ակտիվությունը և գյուղատնտեսությանը չառնչվող ճյուղերի՝ որպես համայնքներում այլընտրանքային զբաղվածություն ապահովող միջոցի զարգացումը՝ ինչը կնպաստի այդ համայնքներում ակտիվների լիկվիդայնության բարձրացմանը և թանկացմանը: Պետք է խրախուսվեն նաև հողի շուկայի կայացմանը ուղղված վարկերը որոնք հնարավորություն կընձեռեն ֆերմերներին վարկ վերցնել հող գնելու նպատակով՝

այսպիսով խթանելով հողերի խոշորացումը, որը իր հերթին կհանգեցնի գյուղատնտեսական վարկավորման գրավով ապահովման բարելավմանը և ի հետևանք դրա՝ վարկավորման ծավալների ավելացմանը:

6) իրագործել միջոցառումներ վարկային միջոցների գնագոյացման թափանցիկության ավելացման ուղղությամբ:

7) **իրականացնել միջոցառումներ ֆինանսական գրագիտությունը բարձրացնելու ուղղությամբ**, ինչը կհանգեցնի գյուղատնտեսների ֆինանսական կարգապահության բարձրացմանը և վարկերի հետ վերադարձի մակարդակի բարձրացմանը:

8) կարևորել ֆինանսական վարձակալության-լիզինգի՝ որպես գյուղատնտեսությանը նոր գյուղատնտեսական տեխնիկայով և տեխնոլոգիաներով ապահովելու միջոցի դերը՝ պետության կողմից միջոցներ տրամադրելով, ինչպես այն իրագործելու, այնպես էլ տրամադրված տեխնիկայի սպասարկումը ապահովելու նպատակով:

*Սույն քաղաքականության համառոտագիրը մշակվել է Եվրոպական միության կողմից ֆինանսավորվող «Կառուցողական երկխոսության հանձնառություն» ծրագրի շրջանակներում Հայաստանի Գյուղատնտեսական Դաշինքի կողմից իրականացվող «Մասնակցային քաղաքականություն՝ կայուն գյուղատնտեսություն» ծրագրի շրջանակներում ծրագրի շրջանակներում: Համառոտագրում տեղ գտած առաջարկությունները արտահայտում են Դաշինքի տեսակետը եւ կարող են չհամընկնել Եվրոպական միության դիրքորոշումների ու տեսակետների հետ:*

ԿՈՆՏԱԿՏՆԵՐ

Համառոտագրի հետ կապված հարցեր ունենալու դեպքում կարող եք կապվել՝

«Մասնակցային քաղաքականություն՝ կայուն գյուղատնտեսություն» ծրագրի համակարգող՝

Վադիմ Ուզունյան

+374 91 221158

+374 93 718138

vuzunyan@oxygen.org.am